

LUTRIJA BOSNE I HERCEGOVINE d.o.o. Sarajevo
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 12.06.2019. godine, d o n i o j e

P R A V I L A
novčane „ekspres“ srećke

1. OPŠTE ODREDBE

Član 1.

Ovim se Pravilima propisuju uslovi za priređivanje novčane „ekspres“ srećke.

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane “ekspres” srećke (u daljem tekstu: srećka).

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana “ekspres” srećka je igra na sreću sa unaprijed utvrđenom visinom fonda dobitaka, u kojoj učesnik otvara srećku po perforaciji i čitanjem saznaje rezultat igre, koji je otisnut u prostoru za označavanje dobitka.

Član 4.

Rok prodaje novčane “ekspres” srećke je otisnut na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku.
Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan million komada srećaka).

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 72,22% od ukupne emisije vrijednosti srećke umanjene za iznos naknade za priređivanje srećki ili 65% od ukupne emisije vrijednosti.

Novčana vrijednosti fonda dobitaka iznosi 650.000,00 KM i dijeli se na 242.135 dobitaka.

Fond dobitaka serije se raspoređuje po slijedećem planu:

Broj dobitaka	Vrijednost dobitka	Ukupna vrijednost	Vjerovatnoća 1 : ...
5	5.000 KM	25.000 KM	200.000,00
10	2.000 KM	20.000 KM	100.000,00
20	1.000 KM	20.000 KM	50.000,00
100	500 KM	50.000 KM	10.000,00
500	100 KM	50.000 KM	2.000,00
11.500	10 KM	115.000 KM	86,96
20.000	5 KM	100.000 KM	50,00
60.000	2 KM	120.000 KM	16,67
150.000	1 KM	150.000 KM	6,67

Prosječna vjerovatnoća za ostvarivanje dobitaka iznosi 1 : 4,13.

8. OPIS SREĆKE

Član 10.

Srećka je pravougaonog oblika i rađena je u više vizuala.

Prednja strana srećke sadrži:

- Logo Lutrije Bosne i Hercegovine;
- Logo Srećke;
- Naziv srećke „ekspres“;
- Cijena srećke;
- Najveći dobitak 5.000 KM;

Poleđina srećke sadrži:

- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Polje sa uplatnom šifrom u brojčanoj i bar kod formi;
- PLAN DOBITAKA;
- Datum prodaje do-otisnut na srećki;
- Logo „IGRAJ ODGOVORNO“;
- Logo WLA - Certified Security Control Standard;
- Emisija: 1.000.000 srećaka;
- Emisiona vrijednost: 1.000.000 KM;
- Fond dobitaka: 650.000 KM;
- EAN 13 prodajni bar kod.

Na unutrašnjoj strani srećke je odštampano slijedeće:

- Polje sa isplatnom šifrom u brojčanoj i bar kod formi;
- Iznos dobitka brojem i slovima, odnosno tekst „BEZ DOBITKA“, ako srećka nije dobitna.

9. OSTVARIVANJE DOBITAKA

Član 11.

Igrač ostvaruje dobitak otvaranjem perforiranog prozorčića ispod kojeg je na prostoru za označavanje dobitka otisnut iznos dobitka brojem i slovima ili tekst „BEZ DOBITKA“. Rezultat, odnosno dobitak, odštampan je u skladu sa članom 9. ovih Pravila.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

11. NAČIN UPOZNAVANJA UČESNIKA U IGRI S OVIM PRAVILIMA

Član 16.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 17.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 18.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-37-2054-4/19.
Dana: 12.06.2019. godine

P R E D S J E D N I K

Miroslav Čorić, s.r.